



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

VENDIM  
Nr. 720, Datë 12.11.2020

**“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjellës Kanalizime Fier” SHA**

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetare
Z. Eduard YPI	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 12.11.2020, shqyrtoi çështjen me:

**Objekt:** Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjellës Kanalizime Fier” SHA.

**Bazë ligjore:** Neni 24, germa (d) dhe (f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar.

**Komisioni i Konkurrencës pas shqyrtimit të:**

- Relacionit mbi aplikimin për ndryshimin e nivelit tarifor për Ujësjellës Kanalizime Fier SH.A,

**VËREN SE:**

1. ERRU-ja nëpërmjet shkresës Nr. 205/2 prot., datë 21.10.2020, informon Autoritetin e Konkurrencës se me vendimin e Komisionit Kombëtar Rregullator (KKRR) Nr. 76 prot., datë 30.06.2020, ka filluar procedurën për shqyrtimin e aplikimit për ndryshim tarife të ndërmarrjes Ujësjellës Kanalizime Fier SHA, e cila ka propozuar me anë të projekt-vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjellësit dhe të kanalizimit, në të gjithë zonën e shërbimit pas riorganizimit.
2. Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Mbi miratimin e tarifave të shërbimit të

furnizimit me ujë dhe largimin e ujërave të ndotura për ndërmarrjen Ujësjellës Kanalizime Fier SHA”, rezultoi se:

- Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave në mënyrë graduale për kategorinë e furnizimit me ujë dhe aplikim për herë të parë të shërbimit të largimit të ujërave të ndotura.
  - UK Fier SHA ka aplikuar tarifën e miratuar nga ERRU sipas Vendimit Nr. 9, datë 21.04.2014 “Për miratimin e tarifave të ujit për konsum publik për UK Fier SHA. Sipas ndërmarrjes Ujësjellës Kanalizime Fier SHA, niveli i tarifave në fuqi nuk është ndryshuar për një kohë të gjatë edhe as pas riorganizimit të Bashkisë Fier, në këto kushte kërkohet të aplikohet një tarifë e unifikuar në të gjithë zonën e shërbimit, për të siguruar qëndrueshmërinë dhe cilësinë e shërbimit.
3. Për shërbimin e furnizimit me ujë të pijshëm, aktualisht për konsumatorët familjar, ndërmarrja aplikon një nivele tarifimi volumetrik shërbimi për FU dhe për KUN. Këto tarifa për FU dhe KUN nuk aplikohen për të gjithë zonën e shërbimit që mbulohet nga UK Fier SHA.
  4. Nëpërmjet aplikimit, ndërmarrja Ujësjellës Kanalizime Fier SHA propozon unifikimin e tarifave si rezultat: a) i zonave të shtuara pas zgjerimit të zonës së shërbimit, b) nevoja për të ardhura shtesë për investime në të gjithë zonën pas riorganizimit, c) realizimi i të ardhurave për përballimin e kostove të cilat janë të papërbalueshme, dhe d) FU në zonën e shërbimit ofrohet në 20 orë në ditë gjatë vitit 2019.
  5. Tarifa për konsumatorin familjar në të gjitha zonën e shërbimit unifikohet në 52 lek/m<sup>3</sup> duke pësuar një rritje nga 2 lek/m<sup>3</sup> për konsumatorët familjar të zonës Cakran, Mbrostar 7 lek/m<sup>3</sup> për konsumatorët familjar të zonës Frakull, Portëz, Levan, 10 lek/m<sup>3</sup> për konsumatorët familjar të zonës Dermenas dhe 12 lek/m<sup>3</sup> për konsumatorët familjar të zonës Libofsh. Tarifa për konsumatorin familjar të zonës Fier, Tropojë dhe Qendër nuk ndryshon mbetet e njëjta tarifë 52 lek/m<sup>3</sup>. Tarifa e FU për konsumatorët publik në të gjithë zonën e shërbimit propozohet të mos ndryshoj 105 lek/m<sup>3</sup>. Tarifa e FU për konsumatorët privat propozohet të rritet nga 55 lek/m<sup>3</sup> deri në 75 lek/m<sup>3</sup> në zonën Cakran, Mbrostar dhe Libofsh për tu unifikuar në të gjithë zonën me tarifën 125 lek/m<sup>3</sup>.
  6. Tarifa për konsumatorin familjar për KUN në të gjithë zonë e ofrimit të shërbimit nga UK Fier SHA përfshirë dhe zonën rurale të shtuar pas riorganizimit, propozohet të jetë 13 lekë/m<sup>3</sup>, në bazë të VKM-së Nr. 63, datë 27.01.2016 “Për riorganizimin e operatorëve që ofrojnë shërbimin e furnizimit me ujë të pijshëm, grumbullimin, largimin dhe trajtimin e ujërave të ndotura”. Për konsumatorët publik në zonën e shërbimit, tarifa KUN mbetet e pandryshuar me 18 lek/m<sup>3</sup>. Për konsumatorët privat në zonën urbane Frakull, Fier, Tropojë dhe Qendër tarifa KUN mbetet e pandryshuar 20

lek/m<sup>3</sup>, për zonën Cakran, Dermenas, Mbrostar, Portëz, Levan, Libofsh propozohet të vendoset tarifa e unifikuar 20 lek/m<sup>3</sup> dhe niveli i ofrimit të shërbimit është rreth 48%.

7. Nga “UK Fier” SHA propozohet një rritje 100% të tarifës aktuale fikse të shërbimit në vlerën 200 lek/muaj/lidhje për konsumatorin familjar, për konsumatorin publik dhe privat në të gjithë zonën e shërbimit. UK Fier SHA kërkon të realizojë investime në zonat e shtuara pas riorganizimit që të përmirësoj cilësinë e ofrimit të shërbimit për FU dhe KUN kundrejt konsumatorit familjarë, publik dhe privat.
8. UK Fier SHA ka kërkuar unifikimin e tarifave, për vendosjen në një nivel të ri pas gjashtë vitesh, të tarifave për shërbimin e FU dhe KUN referuar dhe vlerësimit të kostove për secilën zonë.
9. Nga analiza e kryer, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva të arritshme sipas ERRU-së për vitin 2020 dhe vitin 2021 duke synuar përmirësimin e performancës së shërbimeve të ofruara, reduktimin e kostove të mirëmbajtjes dhe operimit, duke mundësuar reduktimin e humbjeve teknike dhe administrative, rritjen e efikasitetit në reduktimin e numrit të stafit, i cili është i lartë, 6.26 staf/1000/lidhje, rritjen e qëndrueshmërisë financiare si edhe rritjen e mundësisë për përfitime të investimeve në shërbimet e ofruar.
10. Nga analiza ekonomiko-financiare, sipas ERRU-së, rezulton se ndërmarrja Ujësjellës Kanalizime Fier SHA pas riorganizimit ka një nivel të pranueshëm të mbulimit të kostove të operimit dhe mirëmbajtjes totale, që varion nga 75 % për vitin 2019 me një rritje të lehtë 76 % për vitin 2020. Nevoja për të ardhura synon përmirësimin e nivelit të mbulimit të kostove O&M, i cili parashikohet të jetë në nivelin 79% në vitin 2021.
11. ERRU gjykon se ndërmarrja Ujësjellës Kanalizime Fier SHA duhet të punojë për reduktimin e nivelit të humbjeve teknike dhe administrative, duke angazhuar stafin për vlerësimin sa më të saktë të çdo komponenti që bilanci të jetë i monitoruar gjatë gjithë vitit, të evidentojë të gjitha lidhjet me rrjetin, si edhe të hartojë një plan biznesi 5 vjeçar duke marrë në konsideratë situatën aktuale të zonës së shërbimit pas riorganizimit në kuadër të VKM Nr. 63, datë 27.01.2016 “Për riorganizimin e operatorëve që ofrojnë shërbimin e furnizimit me ujë të pijshëm, grumbullimin, largimin dhe trajtimin e ujërave të ndotura” me qëllim argumentimin për nevojën e investimeve në lidhje me përmirësimin e shërbimit si edhe qëndrueshmërinë financiare.
12. Tarifat duhet të jenë të orientuara drejt kostos, duke shmangur fitimin e ndërmarrjes UK Fier SHA e cila ka pozitë dominuese dhe rregullatori duhet të stimulojë uljen e këtyre kostove, arritjen e fitimeve të arsyeshme, si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.

13. Duke qenë se niveli i kostove totale për vitin 2020 mbetet thuajse në nivele relativisht të moderuara krahasuar me ato të vitit 2019 me një rritje rreth 1%, subvencionet që do të përfitojë kjo ndërmarrje për mbulimin e kostove, si dhe të gjitha investimet për përmirësimin e rrjetit të ujësjellësit duhet të jenë sa më transparente dhe të kontabilizohen.
14. Nga vlerësimi i Konkurrencës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjellës Kanalizime Fier SHA” rezulton se: Ndërmarrja Ujësjellës Kanalizime Fier SHA ka pozitë dominuese dhe si e tillë, ka detyrimin e orientimit të çmimeve drejt kostos. Në aplikimin për unifikimin e tarifës dhe nivelin e ri të tarifës për FU dhe KUN, UK Fier SHA ka realizuar ndarjen veç e veç të kostove sipas shërbimit FU dhe KUN, por nuk ka aplikuar ndarjen e kostove sipas zonave, megjithëse KUN është një shërbim që faturohet për herë të parë në largimin e ujërave të ndotura në zonat rurale.
15. ERRU në analizën ekonomike financiare të saj ka marrë në konsideratë kostot të ndara për të dy shërbimet e ofruara, duke zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimin e ujërave të ndotura”, pika (I), germa (e).
16. Konstatohet se vendimi për fillimin e procedurës për ndryshimin e tarifave është bërë transparent në faqen e ERRU-së, është marrë në konsideratë rekomandimi i dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimin e ujërave të ndotura”, pika (I), germa (e).

### **PËR KËTO ARSYE:**

Komisioni i Konkurrencës, bazuar në nenet 24, germa (d) e (f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, me propozim të Sekretariatit,

### **VENDOSI:**

- I. T’i rekomandojë Entit Rregullator të Ujit si vijon:
  1. Tarifat e ndryshuara që do të miratohen nga ERRU për ndërmarrjen Ujësjellës Kanalizime Fier SHA, të jenë të orientuara drejt kostos së shërbimeve dhe të jenë të bazuara në parimin e mosdiskriminimit.
  2. ERRU të kryej auditimin (verifikimin) vjetor të përputhshmërisë në sistemin e llogaritjes së kostos. Të bëj transparente përshkrimin e sistemit të llogaritjes së kostos.

II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

## **KOMISIONI I KONKURENCËS**